

მწყმესი



მე ვარ მწყემსი კეთილი: მწყემსმან კეთილმან სული თვისი დაჰსდგის ცხოვართათვის. (იოან. 10—11).


ვპოვე ცხოვარი ჩემი წარწყმედული. ესრეთ იყოს სიხარული ცათა შინა, ერთისათვის ცოდვილისა. (ლუკ. 15—4).

მოვედით ჩემდა ყოველნი მასურაღნი და ტვირთ-მამიენი და მე განგისვენო თქვენ. (მათ. 11—28).

№ 11

1883—1893

1—15 ივნისს.



გიორგი რომანოვის მე ურასთავი.

ზაქარია გიორგის მე ურასთავი.

თავადი გიორგი ერისთავი & მისი მე ზაქარია.

თავადი გიორგი ერისთავი იყო შვილი რომანოზ ერისთავისა. დედა გიორგი ერისთავისა იყო მეფის გიორგის ასულის ანასტასიას შვილი. იგი დაიბადა 1812 წელს 12 თებერვალს. თავადი გიორგი სასწავლებელში შესვლამდე მშობლების ოჯახში იზრდებოდა და ოჯახშივე ჰქონდა მას ჩანერგილი გულში თავის მამულის და გვარტომობის სიყვარული. პირველდაწყებითი სწავლა მიიღო მან თბილისის «კეთილშობილთა სასწავლებელში». ხსენებული სასწავლებლის დამთავრების შემდეგ, მოსწავლეს ძალაუფლებურად უნდა აღერჩია სამხედრო ასპარეზი და გამგზავრებულიყო უმაღლეს სამხედრო სასწავლებელში. თავადმა გიორგი ერისთავმაც სწავლა დამთავრა პეტერბურგის სამხედრო სასწავლებელში. სწავლის დამთავრების შემდეგ მალე გამოიჩინა მან ნიჭი და მამაცობა სამხედრო წოდებაში და 38 წლისამ მიიღო ლენარლობა და ატამანობა კავკასიის ყაზახის ჯარისა. მრავალს ადგილას ემანებრა იგი მამულს და სახელმწიფოს და ღირსეულად იყო დაჯილდოებული მთავრობისაკან. თანამედროვე ქართველი საზოგადოება ბედნიერად სთვლიდა მას, როგორც ატამანს, დამსახურებულს, დიდა წოდების და მამულის პატრონს, მაგრამ მისი ბედნიერი ცხოვრება, როგორც საქმე გვიჩვენებს, სულ სხვაში მდგომარეობდა. ბევრი რამ ჰქონდა მას დაფარული გულში, რომელსაც თანამედროვე საზოგადოება სრულებით ვერ აჩინებდა. გარდაიცვალა იგი შარშან წინ და თან ჩაიტანა დიდის ხნის გულს ნადები ფიქრი გამოუქვეყნებლად. თავად გიორგი რომანოზის ძეს დარჩა მემკვიდრე ზაქარია, რომელმაც გამოაქვეყნა მამის გულისთქმანი და მტკიცედ აღასრულა ნაანდერძები განზრახვა...

ჩვენ მრავალ პირთაგან მოგვივიდა წერილები, რომლითაც გვთხოვენ ამ კეთილ და ქველმოქმედ

პირთა ბიოგრაფიულ ცნობებს. ზოგიერთებს კდევ არ სჯერათ, რომ ამდენა მამული შესწირა ბ. ზაქარია ერისთავმა თავად-აზნაურობის სამეურნეო სკოლას. მართლდაც, ეს რაღაც იშვიათი მოვლენაა ჩვენს გათხანებულ დროში და ქართველობაში. ჩვენ ვამბობთ ქართველობაში, თორემ სხვა ეროვნებაში ამისთანა შეწირულება არავის არ ვააკვირებთ. ასითასის, ორასის და მეტისაც შეწირვა სხვა-და-სხვა საქველმოქმედო მიზნით სხვა თემებში ჩვეულებრივი მოვლენაა. ჩვენს ქართველობაში კი ისე ვაცივებით და ვაგრილებით გული, რომ ცოტა რამ მოკლება, საქველმოქმედო მიზნით ცოდვით მიანჩიათ. კაცი თუ შვილებით დატვირთული არის და ღარიბი, ვინ დარჩანავს მას, რომ არაფერი შეწირულება არ დასტოვოს! მაგრამ ჩვენ ვხედავთ უშვილდირა ქართველებს და ძალიან შეძლებულებსაც, რომელთაც გროშიც არ გაულიათ საქველმოქმედო მიზნით. აიღეთ, მაგალითად, ჩვენ მიერ შეცამდინ ამალღებული და ქებული მამულიშვილი გრიგოლ ორბელიანი, მდიდარი და დარბაისელნი თავადნი: ნესტორ წერეთელი, დიმიტრი გურიელი, მელიქოვი და სხვანი, რა დასტოვებს მათ თავის სახელის მოსახსენებლად? სრულებით არაფერი. ზოგიერთები იტყოდნ ხოლმე სიკვდილის ქართულად დამმარხეთო (ალბათ ქართულ ტანისამოსში?) და ჰფიქრობდნენ დიდ დავალებას უწევდნენ ამით საქართველოს!...

ამისათვის ვიმეორებო: თ. ზაქარია ერისთავის შეწირულება შესანიშნავი რამ არის. სრული იმედია, რომ ეს შეწირულება რიგიან საუფუძველზედ დაყენებული სასურველ ნაყოფს მოიტანს, ხოლო თავადნი გიორგი და ზაქარია ერისთავნი საუკუნო მოსახსენებელად დაშთებთან ქართველ საზოგადოებაში. ნეტავ მათ, ვინაც საზოგადოებას უტოვებს თავის სახეს და სახელს სათაყვანოდ. ჩვენი ვაღია, ჩვენო თანამომენო, ნიადგ მოვიხსენებდეთ კეთილს მყოფელთა და ქველმოქმედთა თავის მომმეთა და მოყვასთა საკეთილდღეოდ. ღმერთმან ინებოს, გამრავლებულიყოს ჩვენში ძველებურად, ჩვენებურად მომმეთათვის გულმემმატვივარნი და სიქველთით სახელგანთქმულნი პირნი.

დ. ლამაშიძე

სოფლის რეფორმის ეკლესიის კურთხევა.

ხალხის კეთილ-დღეობისათვის, სწავლა-წარმატებისათვის, გონებრივ და ზნეობრივ გას-პეტაკებისათვის სხვა საზოგადო კეთილ დაწესე-ბულებათა შორის მიუცილებელი ზე უსაჭირო-ესი ადგილი უჭირავს ეკლესიას და სკოლას. ეს ორი საგანი ისე საჭირო არის ჩვენ ქრის-ტიანთა სულისა და გონების ასაყვავებლად, როგორც სასმელი და საჭმელი არის საჭირო ჩვენ სხეულის საცოცხლებლად.

ჩვენ ბავშვობიდანვე ვზრუნავთ, რომ ჩვენი სხეულისათვის რაც შეიძლება სასმელ-საჭმელი მოვიპოვოთ კარგი და მარტებელი და მითი ავაყ-ვათ ჩვენი სხეული, ხოლო სულისათვის, გონებრივი და ზნეობრივი გაუმჯობესობისათვის ბევრგან და ბევრჯერ დიდობისასაც გაჩემებული ვართ, გვავიწყდება რა მაცხოვრის სიტყვები: «ნუ ზრუნავთ სულისა თქვენისათვის, რამ ჭკამათ და რაჲ ჰსვათ, ნურცა ხორცთა თქვენისათვის, რაი შეიმოსათ».

ღამაზად შემკობილი ეკლესია და რიგია-ნად მოწყობილი სკოლა ისეთი ნიშანია სულის აყვავებისა—გამდიდრებისა და გონებრივ-ზნეობ-რივ წარმატებისა, როგორც დიდი ადგილ-მამუ-ლი ზე ფული ნივთიერი გამდიდრებისათვის. ბევრს სოფელში შეხვდებით მშვენიერ ორ-სართულიან ქვითკირის და ხის სახლებს და სულ ადვილათ შეგიძლიათ აქვე ნახათ თითქმის დანგრეული, ნახევრობით თავადახდილი საყდარი. (მაგალ-სოფელ ფარცხნალში მიუხედავთ იმისა, რომ მდვილი სემინარიელია და ეკ. ფულებიც აქვს, დღემდის ვერ მოუხერხებიათ ეკლესიის აგება) და სკოლაზედ ხომ სულ ხსენება არ არის. ამ

მოკლენის მიზეზი, სხვათა შორის, ის არის, რომ უმთავრესი ნაწილი ჩვენი სხეულისა—სული და გვივიწყნია და სამაგიეროდ სრული ჩვენი ყურადღება ხორცისათვის მიგვიქცევია.

ამისთანა ანორმალური მოკლენისაგან, ჩვენ-და საბედნიეროდ ზე სასიხარულოდ, დღეს უმე-ტესი ნაწილი იმერეთისა განთავისუფლებული არის და მისი მკვიდრნი—მცხოვრებნი სტკებთან წირვა-ლოცვით ღამაჲ გვემაზედ აგებულ ქვის ეკლესიებში. სხვათა შორის ჩვენ მეზობელ რე-ფოთლებსაც აუსრულდათ დიდი ხნის წადილი და 23 წასრულ მაისს ედირსენენ თავის ახალი ეკლესიის კურთხევას. გაისმა რა ხმა, რომ ეკ-ლესიის კურთხევა იქნება 23 მაისს, ხალხი თითქმის ერთი კვირის წინეთ იკრიბებოდა შო-რეული სოფლებიდან სოფ. რეფოთში ზე კურ-თხევის დღეს ელოდნენ მოუთმენლად. აი კიდე-ვაც დადგა დღე ეკ. კურთხევისა ზე ხალხი იმოდენი შეიკრიბა წირვის დაწყებამდის, რომ სატეობა ადარ იყო არც ეკლესიაში და არც მის დიდს გაღაფანში. ამ ხალხთა შორის ყურადღებას იქ-ცევდნენ ალისუბნის სამრევლო სკოლის მოწა-ფენი, რომლებიც რიცხვით 160-ჯე ღამაზად ჩაც-მულნი რიგზედ იუვნენ ორ წყებათ დამდგარნი ეკლესიის დასავლეთის კარებიდან და ელოდ-ნენ ეპისკოპოსის მობრძანებას და მათგან ღო-ცვა კურთხევის მიღებას.

დადგა რა წირვის დრო, შეიქნა ზარების რეკა და ცოტა ხნის შ.მდგომ გამოჩნდა მათი ყოვლად უსამღვდელოესობა ცხენზედ მჯდომა-რე; დაინახა თუ არა მათმა მეუფებამ უმარვილე-ბი, ჩამობრძანდა ცხენიდან და პირმცინარე სახით და ღოცვა-კურთხევით ჩაიარა მოსწავ-ლეებს შუა, ხოლო ეს უკანასკნელი დაწყობი-ლის ხმით გალობდნენ «მეუფეო ზეცათა»-ს. ამ სახით მათი მეუფება ადგილობითი ბლაღოჩინე-ბის მ. ლუკა ჭიპაშვილის, იულიანე აბესაძის

და სხვა სამდევნო პირთა თანამწირველობით შეუდგა წირვას.

როგორც ზევით მოვისსენიე, იმოდენი ხალხი დაესწრო ამ დღეს წირვას, რომ ეკლესიაში შესვლა უოვლად შეუძლებელი იყო მრავალთათვის. ამ რიცხვთა შორის მოყვნენ აღისუბნის სამრევლო სკოლის მოწაფეებიც, რომლებსაც როგორც შემდგომ შევტყუთ, განძრახვა ჰქონდათ ეგალობნათ ეკლესიაში; მხოლოდ ერთი მათგანი როგორღაც შემოვიდა ეკლესიაში და თავის დროზედ წაიკითხა მკაფიოდ და გარკვევით სიმკვლეო სარწმუნოებისა, რითაც ძრიელ ასიამოვნა ხალხს. წირვის გათავების შემდგომ, უოვლად სამდევნო გამობრძანდა ეკლესიის გაღრვანში, ჩვეულებისამებრ დადგა მაღალ ქვაზედ და წარმოასტკვა თავის ბრძნული სიტყვა, რომელშიაც პირველად მიუფლოცა ხალხს ახალი ეკლესიის აგება და კურთხევა, ხოლო შემდგომ განუმარტა მსმენელთ იმ დღეს წაკითხული სახარების სიტყვები და შინაარსი, რომელსაც ხალხი ისე ისმენდა და ისეთი სიჩუმე იყო, რომ არ შემოძლია ენით გამოხატვა; მათი მეუფების სიტყვამ, ბევრს მსმენელს, განსაკუთრებით დედააკაცებს, ცრემლები მოგვარა.

სიტყვის გათავების შემდეგ მათ მეუფებას ადგილობრითმა მდეველმა ი. სალახიძემ უთხრა შესწმა, რომელშიაც მოიხსენია მათი მეუფების მოღვაწეობა და მათი სასარგებლო სამსახური იმერეთის ეპარქიის სამდევნოებისა და ეკლესიებისათვის. შემდგომ ამისა უოვლად სამდევნო წაბრძანდა თავის ბინაზედ და სადილის მირთმევის შემდგომ დაბრუნდა ქალაქ ქუთაისში.

დასწრე.


ჩიკაგოში გამართული კოლეუმბის მსოფლიო გამოფენა.

1492 წელს აღმოაჩინა ქრისტეფორე კოლუმბმა ამერიკა საშიშარის და თავგამომეტებულის ოკეანეზე მოგზაურობის შემდეგ. ეს დღე შესანიშნავია მითი, რომ მაშინ პირველად დაადგა ფენი ამ ახალ ქვეყანას ევროპიდან წასულმა ადამიანმა, აღმოაჩინა ამ დრომდე დამალული უმრავლესობისათვის თითქმის ნახევარი ქვეყანა და ამით უჩვენა განათლებულ კაცობრიობას ფართო სარბიელი გამჭრიახობის და შრომა-მოღვაწეობის გამოსახინად. მართლაც, ამ დღიდგან ევროპის ხალხი გაემართა ამ ახალ, დაუმუშავებელ, მდიდარ მხარისაკენ და მიჰყო ხელი შრომით და საქმით გაძლიერებულ ცხოვრებას. ახალ ქვეყანაში დაარსებულმა სახელმწიფოებმა ჯერ ძველ ქვეყნების საფარ ქვეშ იწყო ზრდა-მატება, შემდეგ ეს სამძიმო ღვირთიკ აიცილია და ამართა თავისუფლების, დამოუკიდებლობის დროშა. ამ თავისუფალს სარბიელზე, სადაც არც გონებას და არც გარჯას არაფერი არ ედობებოდა წინ, ხალხმა მალე მიადწია სასურველ მიზანს და არამც თუ დაეწია ძველის ქვეყნის უგანათლებულესს ქვეყნებს, არამედ წინაც წაუსწრო მათ და ეხლა იგი იზრდება მოწინავე ქვეყანად. ოთხასი წელიწადია მხოლოდ მას აქეთ, რაც კოლეუმბმა გასდო ხიდი ძველ ქვეყნებსა და ამერიკას შუა, მაგრამ ამ ოთხასი წლის ზრდა-მატებამაც ნათლად დაუმტკიცა კაცობრიობას, თუ რამდენად დონიერი და ნაყოფიერია ადამიანის მხნე, გამბედავი და შეუბოროტავი საერთო მეცადინეობა.

ამერიკელებმა გადასწყვიტეს იმ შესანიშნავი დღის დღესასწაულობა, როდესაც კოლეუმბა აღმოაჩინა ეხლანდელი მათი ქვეყანა და განიზრახეს წელს ოთხასის წლის სახსოვრად მსოფლიო გამოფენის გამართვა.

ეს განზრახვა სისრულეში მოიყვანეს კიდევ
 ჭ მიხსში გახსნეს ქ. ჩიკაგოში გამოფენა, რომ-
 ლის მსგავსი ჯერ არ ყოფილა არსად. ჩიკაგოს
 გამოფენამ გადააჭარბა აქამომდე გამართულ
 გამოფენებს. ყველაფერი, რითაც კი შეიძლება
 თავი მოსწონდეს განათლებულ კაცს, საუცხოოდ
 მოაგვარეს და განახორციელეს. ყველა-
 ფერს გამოფენაზე ატყვია დიდი ხელოვნური
 ნიჭი და მეცნიერული განვითარება გამოცდი-
 ლებასთან და გემოვნებასთან შეერთებული.

აქ მოყვანილია სერათი მსოფლიო გამოფენის
 გამგეობის სასახლისა. ეს საუცხოვო შენობა შესა-
 ნიშნავია თავის საგანგებო რუროთ-მოძღვრობით,
 სიდიდით და სილამაზით, მაგრამ ეს მხოლოდ
 მცირეოდენი ნაწილია ყველა იმ გასაკვირველ
 და სანაქებო შენობებისა, რომლითაც მდიდარია
 ჩიკაგოს გამოფენა და განცვიფრებაში მოჰყავს
 აღტაცებული მნახველი.



ჩიკაგოში გამართულ კოლუმბის მსოფლიო გამოფენის გამგეობის სასახლე

ფ უ ფ უ ნ ე ბ ა

(გაგრაქლება *)

მეორეთ, როგორც ზემოთ იყო ნათქვამი, ფუფუნება უნდა განვიხილოთ ხალხთა კეთილდღეობის მხრით და ვიკითხოთ: ხელს უწყობს იგი ამ კეთილდღეობას, როგორც ზოგჯერ ამტკიცებენ, თუ არა? ყველაზე უფრო სასაფრთხო და საშიშარი შემცდარობა აქ არის, ვინც ფუფუნებისთვის იფლანგება, მას ასე ჰგონია, თუ ამით სამსახურს უწყევს სხვებს, მეტადრე მომუშავეებს. მთავრობაც კი ხშირად ერწმუნება მათ და უნიშნავს დიდძალ ფულს ცნობილ დიდკაცებს, რათა ამით უჩვენონ სხვებს მაგალითი მფლანგაობის, რომლისთვისაც გამომჩვენებლობა დაურქმევიათ. თვით ელემენტალური ცნობები საპოლიტიკო ეკონომიისა ცხადათ გვიჩვენებს ამ იღვის სიკრულს.

მრეწველობის წარმატება დამოკიდებულია კაპიტალის (თანხის) გადიდებაზე, კაპიტალი კი შესდგება დაზოგვით. საფუფუნო მფლანგაობა, რაც მოწინააღმდეგეა დაზოგვის, არათუ ხელს არ უწყობს, აფერხებს კიდევაც მრეწველობის მოძრაობას. საგნის მოთხოვნა კიდევ არ ნიშნავს იმას, ვითომც საშუალება მიგვეცეს იმის საწარმოოთ. ვთქვით, ამ წელს მინდა მე ვიყიდო ხავერდი; მაგრამ იმის შესამზადათ საჭიროა მანქანები და ბევრგვარი მასალა. ჩემი მოთხოვნა როდი იძლევა ამ კაპიტალს. ამას უნდა იძლეოდეს ის, ვინც, ყოლაფრის მოხმარების და შემოხარჯვის ნაკლებათ, მომჭირნობასაც სწევდა. ამგვარათ ჩვენ სარგებლობა მოგვაქვს მომუშავეთათვის და ვაძლევთ მათ შეძლებას იმუშაონ მაშინ კი არა, როცა თვითონ ეხმარობთ, არამედ მაშინ, როცა შეძლებას ვაძლევთ იხმარონ იმ დროს განმავლობაში, როცა აწარმოებენ იარაღებს, მანქანებს და ამ მასალებს ახალის შესამზადებლათ ქარხნებში.

ფუფუნება არა თუ ხელს არ უწყობს მუშის ხელფასის აწევას, პირიქით აბრკოლებს მას. მართლაც და როდის აიწევა ხოლმე მომუშავეთა ხელფასი? — როცა კაპიტალი დიდდება უფრო სწრაფათ, ვინემ მრავლდებიან მუშები, ან მაშინ, როცა ორი მეპატ-

რონე ერთ მუშაზე ერთმანერთს ეცილებიან. მაგრამ იმის გულისთვის, რომ ორი მეპატრონე დაეცილონ ერთმანერთს ერთის მუშის დაქირავებას შრომის ბაზარში, საჭიროა თვითველ მათგანს კონდეს შედგენილი კაპიტალი დაზოგვის საშუალობით. მაშასადამე დაზოგვა და არა საფუფუნო ხარჯი იძლევა ღონისძიებას. ახალ წარმოებათათვის და უფრო მომეტებულ მუშების საქმეში ჩასადგებათ. უეჭველია, ძალიან მდიდარ ქვეყნებში ფუფუნება არც აგრე რიგათ აბრკოლებს კაპიტალის გადიდებას, რაკი შემოსავლის სიუხვე ერთსაც უძღვის და მეორესაც. ბედოვლათების გვერდით დაზოგველნიც ბლომათ არიან. ვისაც ოთხი და ხუთი მილიონი შემოსავალი აქვს, მას, რატქვა უნდა, შეუძლია ბევრგვარი ხურუში დაიშუშოს. და მაინც კიდევ ყოველ წელს გადინარჩუნოს წმინდა შემოსავლითგან. აკერ ინგლისს ყოველწლივ საში მილიარდით უდიდდება კაპიტალი. ამ ფულს ახმარებენ ახალ-ახალ შემმართველობათა შექმნას არაუთუ მარტო ინგლისში, მთელ ქვეყანაშიაც კი. ექვს გარეშეა, თუ დანაზოგი უმეტესი ყოფილიყო, მაშინ ხომ საყოველთაო მაწარმოებელის თანხის მოხმარება და ზოგადის წარმოების გადიდება უფრო და უფრო სწრაფათ ზრდაში შევიდოდა. ეგებ ვინმე შემომესიტყვოს: «იმას ხომ ვერ უარყოფთ, რომ ფუფუნება მსგელელობას აძლევსო ვაჭრობას». ეს ყველასაგან ცნობილი ჭეშმარიტებაა. ერთი შესანიშნავი ეკანონისტი ამბობს: «როცა გიმნაზიაში ესწავლობდიო, კერა-უქმობით მიედიოდი ბიძასთან, რომელიც იყო მხიარული და გულმოწყალე კაკი. ერთხელ, როცა ბიძა ჩემმა სადილის გათაფებისას გამოცალა ერთი ბოთლი ძველი ლეინო, აიღო და ჭიქები ძირს დაახეთქა და თქვა: «ეჰ, კაი ის არი, რომ სხვებიც კარგათ ცხოვრობდნო».

ამ ფრაზმა ძან დააფიქრა გიმნაზიელი, მომავალი ეკონომისტი. «თუ ბიძა ჩემს, ამბობდა იგი თვისს გულში, სწადია მისცეს მუშებს ცხოვრების შეძლება, რატომ არ ამტყრევს ბარემ სხვა სასადილო ჭურჭლებსაც, თავის ავეჯეულობას და ფანჯრებს? ხომ ამით უფრო მომეტებულ სამუშაოს მისცემდარა მუშებს». ასე რომ გავყევთ, მაშინ ხომ უნდა ვიფიქროთ, რომ ნერონი, რომელიც დამღერდა ცეცხლ-პოდებულ რომის ქალაქს, განმბრძნობილი ყოფილა ჭეშმარიტის ეკანონიური დედა-აზრებით. მეორემ, პარიკელმა ეკონომისტმა თქვა: «ვთქვით პარიკი ერთ-


*) ახ. «მწკმსა» № 11, 1893 წ.

ბაშათ გაღიბუვა. როგორც მოქალაქეს ეს უბედურება უნდა მიევაგლახნაო, მაგრამ როგორც ეკონომისტს უნდა გამეხარდესო. ამ ეკონომისტს ეგონა, რომ ეს სასარგებლო იქმნებოდა შრომისათვის, ჯლიქვს წაკრავდა და ძან წინ წასწევდა მას. ამისთანა დასკვნამდე რომ არ მიხვიდე შეუძლებელია, თუ არ გასინჯე, შრომის შედეგი, არამედ თვითონ შრომა. შრომა მარტო შრომისთვის, ეს ხომ სიზიფობაა. ამ შემთხვევაში საპოლიტიკო ეკონომია იქმნებოდა მეცნიერება წარმოებაზე კი არა, არამედ დოვლათის სპობაზე. აქ არის ერთობ ტლანქი გზადანეულობა, რომელიც უნდა ნათლათ გამოაშკარდეს და დაირღვეს.

უნდა მკაცრათ გარჩიო იგი, რაც ჩანს მისგან, რაც არ ჩანს. ხილული არის ის მუშა, რომელიც ხელახლა აწარმოებს იმას, რაც მოსპობილ იქნა; უხილავი მეორე მუშა, რომელიც გააკეთებდა სხვა რამ საგანს, და ამ საგანს დასაქმიდენ მას გასაკეთებლათ სწორეთ იმ ფულით, რასაც ახლა აძლევენ პირველ მუშას. ანდაზა ამბობს: ერთი ქირი მარგებელიაო. მართლაც ერთი რამ სარგებლობა რომ არ მოქონდეს, იმისთანა ცუდი საქმე არ არი. ცხადია, რომ შემოსენებულის გიმნაზიელის ბიძა რომ ჭიქებს ამტერეცდა, იგი ამით ხეირს აძლევდა საშუავე ქარხანას, მაგრამ ეს ხარჯი რომ არ გაეწია, მაშინ შეეძლო ეყიდნა სკამები, სტოლი, ან სხვა უფრო ღირსეული ჭიქები, და ამ სახით იგი მუშებს ხელფასსაც შესძენდა და თითონაც საგნებიც გაუბეგრდებოდა. მისი ქონება, და მათთანავე მასთან ერთათ ქვეყნის ქონებაც შეიმატებდა. გადაწვეარ შენობების ხელახლა გაშენება რასაკვირველია საქმეს გაუჩინს ბევრ მუშას და ხელოსანს, მაგრამ ამ სახით დანახარჯის ფულით უიძლებოდა სკოლები გამართულიყო, რამდენიმე წლის გზა გაყვანილიყო, სხვა შენობები აღკვეთის რკინისგან და მათთვის ახალი ხარჯები უნდა ბუღიყო. ახლა კი გაიწეროს საზოგადოებას.


ყოველივე ეს კეთილია, გვიკვირებენ ჩვენ, მაგრამ მაგ ღამაზე თეორიებით, რომლითაც სათავე აქვსთო თიბაიდელ მეუღლადროებში, დიოგენის ბოქვაში და პირდაპირ მომდინარეებენ სტოიკებისგან, შიმშილით ამოსწყვეტთო აუარებელ ხელოსნების და აღებ-მიცემობის ხალხს. გასინჯოა ეს შემოსიტყვება ცოცხალ მაგალითზე. ეთქოთ, მდ. აღარი ბანკირი ხარჯავს სადილებზე, ნადიმებზე და მრავალგვარ მეფე-

ლიშებზე წლითი-წლად მილიონებს და მით აქებებს თავის სტუმრებს კიდევ მეტი დახარჯონ. მოდისტები, მკერელები, კანდიტრები, კუაფრები და მეხილეთა მესანუებარეთა მალაზიები ამით კარგა ხელს ითობენ, მცხოვრებნი აღტაცებაში არიან: «ვაჭრობა გაჩაღებულია». ეთქოთ ამ დროს გამოჩნდა მქადაგებელი, არა ისე ხათრიანი როგორც ახლა არიან, არამედ გამსჭვალული ძველთა მამათ სიწმიდით და სიმტკიცით. იგი გრგვინავს ფუფუნობის წინააღმდეგ. მას ყურს უზყრობენ, ყველა ჩაგულისხმდა და თვითოეულმა მოინდომა მოქცევა და გასწორება. შესწყდა ნადიმები, აღარ არი მეჯლიშები, ყველგან მეფობს დაბრძინლობა და სიმძაფრე: გგონია ყველანი კვაკერებ შორის ვცხოვრობთო. რა შედეგი ექმნება ამ დიდცელილებას?—აღბათ არც ბანკირი და არც მთელი საზოგადოება ფულებს წყალში არ გადაყრიან. მაშ როგორღა მოიხმარებენ? თუთოთ მოინდომებენ ამუშაონ ფული და მოგება ნახონ. რა გზათ? ერთი შეამუშავენს მიწას, რომელსაც აქამომდე ყურს არ უგდებდა: მოაშენებს მცენარეებს, აშრობს ქაობებს, გაჭყავს გზები, შეაკეთებს ნაშენობას, ტყით დაფარავს ტიტველ ნიადაგს, მეორე გააფართოვებს თავისს ქარხანას, მესამე რკინის გზის აქციებს იღებს, მეოთხე მანდელულობას შეამუშავენს და სხ. ერთი სიტყვით ყველანი გააჩენენ შრომას სასარგებლოს და მაწარმოებელს, რათგან გაანგარიშებული აქეთ დანახარჯის ფულისა მოგება მიიღან. იგივე მილიონებია დახარჯულია, იმიტომ რომ დღეს ფულს მიწაში აღარავინ მარხავს; ისინი ასაზრდოებენ იმდენსავე შრომას და აძლევენ ცხოვრების საშუალებას იმდენსავე მუშების რიცხვს, მხოლოდ ეს მუშები ირჯებიან სოფლებში, როცა ისინი არა ჩანან და არა საპირფარეოსს, მეწაწნავის, კანდიტრის და მოდისტების სახელოსნოებში, საცა მათ ყველანი უცქერიან. მაშასადამე აქ მოხდა მოსპობა კი არა, გადნაცვლება საქმობისა.



Черноморскіи окр.
Кавказскія горы
Предела Балкан

ЧАСТЬ МИНТЕРМИ
Българска частъ на границата



აფხაზეთის რუქა.

ვბეჭდავთ აფხაზეთის რუქას. აფხაზეთის მხარეზედ დღეს თითქმის ყველას აქვს ურადღება მიქცეული. აგერ ორმოც-და-ათი წელიწადი მეტი გადის თითქმის, რაც სკდილობენ აფხაზეთის მოქრისტიანებას. მისსიონერების ანგარიშისამებრ სჩანს, რომ აფხაზეთში მართლ-მადიდებელი სარწმუნოება მიუღია ოთხჯერ უფრო მეტს ხალხს, რამდენიც ცხოვრებდა და ცხოვრობს აფხაზეთში. დაარსდა მონასტრები და ეგლეესიები, მაგრამ მთლად ხალხის მოქრისტიანებას არა ეშველა რა. დაარსეს ეპარქია, ბოლოს აუქმებდენ და ენლა მკვიდრ ნიადაგზედ დაამკვიდრეს, მაგრამ ნაყოფის მოტანა ყველა ნახმარ ზომებისაგან კიდევ როგორღაც საეჭვოდ მიაჩნიათ. შემოსული უცხო თემი სარგებლობს აფხაზეთის მიწა-წყლით, მაგრამ მკვიდრთა კეთილდღეობას დიდი ცვლილება არ მისცემია. ამ ქვეყანაში აპირობენ გადმოსახლებას რუსებიც, ბოლგარელებიც გალიციელებიც, ბერძნებიც და სომხებიც. მხოლოდ ჩვენ, ქართველობა, რომელიც ამ ადგილის მეზობლად ვსცხოვრობთ, სრულებით ურადღებებს არ ვაქცევთ და გუღნეულ დაკრეფილი შვესცქერით შორიდამ ამ საქმეს. დანარჩენსაც შემდეგ ნომერში ვაცნობებთ მკითხველებს.

არ არის რიგი, ლობე-ყორეს ამოფარებული კაცი ტალახს ისვრიდეს.

ამას წინეთ ჩვენ ვსთხოვეთ «ივერიის» რედაქტორს, რომ ლობე-ყორეს ამოფარებულმა პირებმა ჩვენსკენ პირადად ტალახის სროლას თავი დაანებონ-თქო. ყველა პატრიოსანი კაცისათვის ასეთი საქციელი სასიოცნოა. ჩვენი უკანასკნელი წერილის შემდეგ კარგა ხანმა განვლო და მართლაც ხსენებული ვაზეთის რედაქციას არ დაურღვევია ეს ჩვენი კეთილი რჩევა. ენლა «ივერიის» მე-113 №-ში ბ. პაატამ მაინც კიდევ დაარღვია ეს ჩვენგან მოთხოვნილი პირობა. მან ბევრი უკადრისი სიტყვების წარმოთქმა იკადრა ჩვენ შესახებ პირადად ბ. გმირაძის ლექსის გამო,

რომელიც ჩვენს გამოცემაში იყო დაბეჭდილი. ბ. პაატას ჩვენ სრულებით არ ვიცნობთ «ივერიის» რედაქტორად და ილია ჭა—ძის მოადგილედ. მას არ ჰქონდა უფლება ჩვენ წინააღმდეგ გამოლაშქრებისა. პაატას ჰქონდა საქმე არა ჩვენთან, არამედ ბ. გმირაძესთან; ერთიც და მეორეც ლობე-ყორეს არიან ამოფარებულნი. ჩვენ რომ ნება მიგვეცა გმირაძისათვის პირადად მ. ნასიძეზე წერისა, რომელიც პაატას სახელით გამობრძანებულა და გაუკითხავად მარჯვენე და მარცხენე ისვრის ტალახს, მაშინ იქმნებოდა ჩვენის მხრით პირობის დარღვევა. ვასრულებთ პაატას—(მ. ნასიძის) სურვილს და უტხადებთ, რომ ბევო გმირაძე არის რ. ხუნდაძე. რაც შეეხება იმას, რომ პაატას კარგათ აღარ ახსოვს ის, რა პირობაც მოვსთხოვეთ «ივერიის» რედაქციას, ეს ჩვენი ბრალი არ არის. ნასიძეს შეეძლო მოენახა ჩვენი გამოცემის ნომერი «ივერიის» რედაქციაში და ნამდვილად შეეტყო ჩვენგან გამოთქმული აზრი. შორს ჩვენგან ლობე-ყორეს ამოფარებულნო პატრიოტნო! მისი არა გეწამს რა, რომელსაც თავისის სახელის გამოაშკარავების ეშინია მამულისადმი სამსახურის დროს. პაატა საყვარელი სახელია ქართველთათვის, ნუ შეაძულებთ ამ სახელს ქართველებს, მღვდელს მოუყია თქვენთვის სხვა სახელი და არა პაატა და თქვენით ნუ ისაკუთრებთ მას, რაც არ გეკუთვნის...

ნუ გრცხვენის და ნუ გეშინის, ბ. მიხაილ ნასიძე, თქვენი ნამდვილი სახელის გამოაშკარავებისა. რაც გიქმნიათ, მალლა ღმერთმან იცის და ძირს ჩვენ ვიცით. ვისი და რისი გეშინიათ? ლექსების უფარვისობაზედ სწერეთ, რამდენიც გინდათ. ჩვენთან რა საქმე გაქვსთ? თქვენ პასუხი უნდა გავცეთ გმირაძისათვის იმაზე, რაშიაც გამტყუნებდნენ. თქვენ კი პასუხის მაგიერ გამომდგარხართ და გმირაძეს ლექსის წყობას უწუწუნებთ, რომ ასოები სწორეთ არ არიან დამდგარნი. ეს არის თქვენი პასუხი?!

როდესაც კაცი შიშობს, რომ ყველანი ვითომ მასზედ ლაპარაკობენ და ფიქრობენ, როდესაც კაცს მთელი საზოგადოება მტრათ მოეჩვენება, როდესაც კაცს თავის თავი ყველაზედ უბრძნესად მიაჩნია, აი სწორედ ამისთანა კაცისათვის არის საჭირო პულოვსკის საავადმყოფო, და არა მათთვის, ვინც ლექსის წერას სწავლობს.

დგ. დ. ლაბაშიძე

მ ს ი რ ე შ ი ნ ი შ ე ნ ს *).

«ივერიის» მე-112 №-ში არის დასტავებული ერთი, უცნაური კილოთი დაწერილი, აშბაეი 30-თს მაისს მომხდარ ქალაქის არჩევანებზედ. იქ, სხვათა შორის, მოხსენებულია: «კენჭის-ყრაზე უარი სთქვეს ყველა ქართველებმა, გარდა ბ. გიორგი ექვთიმეს ძის წერეთლისა, რომელმაც თავი გამოიჩინა ქართველთაგან». მაგრამ დარბაისელი ქართული გაზეთი იქვე უმატებს: «უარი სთქვა ქართველთა ერთად 25-მა რუსმაც». ამის შემდეგ გაზეთს მოჰყავს სია იმ პირთა, რომელთაც კენჭის ყრაზედ ყუთი არ დაიდგეს. ამ სიიდან ცხადათ სიანს, რომ უარი უთქვამსთ კენჭის ყრაზედ 32 ქართველს, 6-და-ხუთს რუსს, ჩვიდმეტს სომეხს, სამს ნემეცს, ერთს თათარს და ერთს პოლანელს. მაშ ვერ გაგვიგია, რა უნდა ეთქვა დარბაისელ კილოთი მოლაპარაკე გაზეთს? რომელ ქართველთაგან გამოიჩინა თავი ბ. გიორგი ექვთიმეს ძემ წერეთელმა? რომელთაც კენჭი არ იყარეს? მაგრამ ისინი ხომ მართო ქართველები არ ყოფილან? იმათ შორის, როგორც სია გვიჩვენებს, რუსებიც ყოფილან, სომხებიც, ნემეცებიც, თათარცა და პოლანელიც; ან იქნება კარგმა, ლოლიკის მეზატრონე გაზეთის რეპორტორმა ყველა შემოხსენებული სხვა ტომისა და მოდგმის კაცები ქართველებად ჩათვალა, რადგან მე იმათგან გამოეუფრცხაეარ. ეს კიდეე არაფერი. უფრო საგულისხმო ის არის, რომ ბ. რეპორტერის აზრით, მართო მე დავრჩი ქართველი იმ განდევნილ კათაქმეველთაგან, რომელთაც კენჭი იყა-

* ჩვენ მივიღეთ ეს სტატია შემდეგი პატარა წერილით: «ბ. რედაქტორო! ეს პასუხი გაგუგზავნეთ „ივერიის“ რედაქციას დასაბუქდათ, მაგრამ რედაქციამ არ ინება, შემომითვალა, მოუხერხებლად მიგვანჩნია ამ პასუხის დაბუქდგაო. ამისთვის უმორჩილესად გთხოვთ დაბუქდოთ თქვენს პატივცემულს გაზეთში ეს „ჩემი გულის პასუხი“, რომ საზოგადოებამ ნათლად შეიტყოს, რაში მდგომარეობს საქმეა».

გაძლეეთ ადგილს ამ შენიშვნას, ვინაიდან ჩვენ ყოველთვის უკანონოდ მიგვანჩნდა და მიგვანჩნია რედაქციისაგან უარის თქმა კაცის პასუხის დაბუქდგაზე თავის განამართლებლად. ახა რა საქციელია, ერთი მითხარით, თუ ღმერთი გწამსთ, კაცი გალანძლოთ ბუქდვით, იუდას შეადართო და როდესაც თავის განამართლებლად პასუხს გიგზავნისთ, შეუთვალთ: რედაქციას მოუხერხებულად მაჩნია თქვენი პასუხის დაბუქდგაო!.

რედაქტორი.

რეს. მაგრამ დარბაისელი ქართული გაზეთის რეპორტერი აქაც რომ მართალს არ ამბობს! ჩემ გარდა კალოუბნელმაც აკი იყრა კენჭი და კიდეე ამოიჩინეს ხმოსნად! ის კი არა, მე დარწმუნებული ვარ, რამდენ ქართველსაც უნდა იყრა კენჭი, იმ დღეს, თითქმის ყველას ამოიჩინედენ. კალოუბნელმაც ხომ დაიდგა ყუთი, რატომ ის კი აღარ შეიქნა განდევნილი და განრიცხული ქართველთაგან? მაგრამ, როგორც მკითხველი მიხედება, აქ სხვა რამე იგულისხმება, რომელზედაც ეს ერთი კვირაა დიდი მიტქმა-მოტქმა არსებობს თბილისელ ქართველებში და შეიძლება დარბაისელი ქართული გაზეთის მეოხებით ქალაქს გარეთაც ბევრი ლაპარაკობდეს. ვითომ და როგორ გახდება გიორგი ექვთიმეს ძე წერეთელმა ჩვენ, ტფილისელ ქართველ მეთაურებს, წინააღმდეგ წასვლაო, თუნდ რომ ჩვენ უმართებულთაც მოექცეულიყავითო. მართლაც უმართებულად მოიქცენ ისინი და ამითი დაამტკიცეს თავისი უფარვისობა. აი რატომ?

მაისის 16-მ რომ ქალაქის საარჩევანო კენჭის ყრა მოხდა, შემდეგ ქართველი ძველი და ახალი ხმოსანი შეკრბენ. მეც მიმიწვიეს წერილით ამ კრებაზე, სადაც ერთ-ხმად გადაწყვიტეს, რომ ახალ ამოიჩინულს ქართველს ხმოსნებს უარი განეცხადებია. ყველანი დათანხმდენ გარდა კალოუბნელისა, რომელმაც რიხიანად წარმოსთქვა შემდეგი აზრი: «ბატონებო, აქ მე თავის ქება ბევრი მესმის, მჭევრ მეტყველებასაც ბევრს იჩენენ ჩვენი მეთაურები; მაგრამ საქმეს კი არ ვხედავ. ამბობენ, სომხები გვემტრებიან და იმისთვის გავვაშავესო. საქმით კი ჩვენი მეთაურების გაშავება თავიანთივე დაუდევრობის ბრალია. სომხები მოემზადენ და ბევრნიც მოვიდენ კრებაზედ იმათი მეკენჭეები; ჩვენებში კი, ოთხას მეკენჭეში ას ოც-და-ათი კაცი ძლიეს მოვიდა».

თავის ნამსახურებით ოქმის წარმოდგენას და ტრახანობას, ისა სჯობდა რომ რამე ელონათ და მეკენჭეები ბლომად მოეყვანათ. მაშინ უწინდულადვე გაეიყვანდით იმდენს, რამდენიც წინათ გავიდენ. ახლა გვეუბნებიან, უარი თქვან, ეინც ამოიჩინესო. მე სწორედ არ მესმის ამისთანა პროტესტი. ეგ ჩვენი სიძაბუნეა, მეტი არაფერი. ამაზედ კიდეე უფრო საბუთიანად ილაპარაკა საადგილ-მამულთა ბანკის დირექტორმა, თ. დ. ავალიშვილმა. მაგრამ ვერა გვარიგა რა. ყველანი დავთანხმდით, უარი გვეთქმა ხმოსნობაზედ. არ დათანხმდა მხოლოდ ბატ. კალო-

უბნელი. მეორე თუ მესამე დღეს შეეიტყეთ, რომ გუბერნიის საქალაქო საქმეთა სასამართლოს მხრის 16 არჩევნები გაუუქმებია. ამას შემდეგ სულ სხვანაირად დატრიალდა საქმე. ჩვენმა მეთაურებმა ისევ მიგვიწოდეს კრებაზედ. ბატ. ნ. ნიკოლაძემ ძლიერ საბუთიანად ილაპარაკა შემდეგი: «ბატონებო! ახლა სულ სხვა გარემოება დადგაო. პირველი არჩევანი მოიშალა და ჩვენ ისევ დაგვიბრუნდა სრული უფლება ახალ არჩევანისათვისო. ესცაღოთ, ერთნელ კიდევ ყველა ქართველმა კანდიდატებმა დავიდგათ ყუთები. თუ ამ მეორედაც გაგვაშავებს, მაშინ კი სრული საბუთი გვექნება, რომ სომხები ჩვენი მტრობით სწაღიან ასეთა საქმესო და მთავრობაც სხვა თვლით შეხედდეს ასეთს ძალ-მომრეობასო». ყველანი დათანხმდნენ, გადასწყვიტეს ერთხმად, ხელმეორედ უნდა იყარონ კენჭი ქართველმა კანდიდატებმაო.

ამ კრებაზედვე ამოარჩიეს კომიტეტი, რომელსაც დაავალეს, რომ, რაც შეიძლება, ბევრა ქართველი მიკენჭებები მოიყვანონ მეორე არჩევანზედ, ყოველი ღონე იღონონ, რომ თითქმის ყველა ქართველი კანდიდატები ამოარჩევიონ ხმოსნებად. ეს იყო მხოლოდ მათი ვალდებულება, სხვა არაფერი. ამას შემდეგ მე აღარა ვიცი რა. არაფის აღარ მიუწყევიავარ კრებაზედ და ვფიქრობ, არც არავითარი კრება აღარ უნდა მომხდარიყო. მაისის 29, შაბათს ღამის თერთმეტ საათზედ, მოვიდიოდი შინ სტამბიდან, საცა, ის იყო, გაზეთის «კვალის» დასტამბვა თავდებოდა. გზაზედ შემხვდა თ. დ. მიქელაძე და გაცხადებული სახით მკითხა: «ამისთანა უგუნურება იქნება? კომიტეტს, ეს არის, ამ ერთის საათის განმავლობაში, გადაუწყვეტა, ქართველმა კანდიდატებმა კენჭი არ იყარონ?»

— კომიტეტს ვგ უფლება არ ჰქონდა-მეთქი.

— საქმეც ვგ არის. იქვე ხელად შეუკრებიათ ქართველები, ვინც კი ბანკის რესტორაციაში (ყავახანაში) ყოფილა და საჩქაროდ მოუხდენიათ ყრილობაო.

— უკანონობაა და აჩქარებული კაცების ნამოქმედარი იქნება-მეთქი, არ მჯერა, და რომ მართლაც მომხდარიყოს, მე იმ ცხერის ფარაში არ გავყრევი, რომელიც კლდეზე გადასაყრელად მიჰყავთ მეთქი მოუფიქრებლად.

— მეტი არ შეიძლება, ისეთი მოუფიქრებელი

და უადგილო გადაწყვეტილებაო—დაუმატა თ. დ. მიქელაძემ და გამოვემშვიდობეთ ერთმანეთს.

მეორე დღეს, მაისის 30-ს, დილის ცხრა საათზედ მივედი არჩევანზედ. იქ დამხვდა ხალხის გროვა, რომელიც აწევბოდა თეატრის კარებს, მალე შესულიყო საკრებულო დარბაზში; სხვათა შორის გამოველაპარაკე თ. ივანე მაჩაბელს და ნ. ზ. ცხვეთაძეს ასეთს უმართებულო და უადგილო გადაწყვეტილებაზედ. თ. ივ. მაჩაბელმა მითხრა: ახლა რაღა დროს მაგის ლაპარაკია, გარდაწყვეტილია, პროტესტი უნდა გამოვაცხადოთო. ჩვენი ყუთები უნდა ჩამოვაშორებინოთო.

— ჩემთვის ვგ სრულებით გარდაწყვეტილი არ არის და არც დავემორჩილები მაგისთანა გადაწყვეტილებას-მეთქი.

შემდეგ ვუსაყვედურენ. ზ. ცხვეთაძეს ეს ამბავი.

— რა, ექნა, ძმაო, ორი დღეა, ვიბრძვი მაგის გულისათვის და ვერაფის შევასმინერაო. თუ აგრე იყო, რატომ არ მოხვედი და არ დამეხმარე, რომ ასეთი უმართებულო გარდაწყვეტილება არ მომხდარიყო ჩვენი მხრითო.

— ჩემთვის არაფის შეუტყობინებია-მეთქი.

ერთ საათს შემდეგ დაიწყო არჩევანი, მე ჩემი ყუთი არ ჩამოვადგმეინე. მეუბნებოდნენ: უმართებულოა, რაკი ყველამ უარი თქვა, შენც უარი უნდა გამოაცხადოგო.

— არა-მეთქი. არ შემიძლია, მე ვიკისრო ის ბრალდება, რომ შევიქენი სომხებისა და ქართველებს შორის მტრობის მიზეზი-მეთქი. ამას გარდა, სომხებს რომ კიდევ გულში ჰქონდესთ ჩვენი მტრობა, იარალი არ უნდა მივსცეთ ხელში. ჩვენივე დანით არ უნდა დავაკლვიენოთ თავი-მეთქი: ეს რომ მოხდეს, სომხები თავს ასე იმართლებენ: «არ დადგეს, თორემ ყველას ამოვირჩევდითო». აი, ენახოთ მე და კალოუბნელს თუ გაგვაშავებენ, მაშინ კი დავრწმუნდები, რომ მტრობა ჰქონიათ-მეთქი. ამას შემდეგ ქართველები ისე გაბრაზდნენ, რომ ერთი პირი გაჰკრეს და დაგვიშინეს მე და კალოუბნელს შავები.

მაგრამ სომხებმა ქართველებს ჩვენი თავა არ გააშავებინეს. აქ ერთნელ კიდევ დამტკიცდა, რომ ჩვენი ქართველი მეთაურები გულის-თქმით მოქმედებდნენ და არა დამჯდარის მოსაზრებით. ჰემმარტად მრცხენია ჩვენი განათლებულის თანამემამულეების

მაგიერად, რომ ისინი არ დაერიდნენ და პირად თავ-
მოყვარეობას უმსხვერპლეს საზოგადო ორი ნაციის
ინტერესი, არამც თუ ქართველები და სომხები გა-
დაამტერეს ერთმანეთს ეროვნულად, ჩემს პირად
წნეობის ღირსებასაც შეეხენ; მაგრამ ისტორია და-
ფანებს ჩემს საქმეებსაც და იმ მყვირალა დამქაშები-
სასაც, რომელნიც ქვეყნის ყოველ საქირო საქმეზედ
ხალხს თვალს უხევენ.

„მართალს ვიტყვი, შევიქნები ტუფილისა მოამბე რად?
ვერას ვუქებ საბაგელთა, უფურულთა პირ-საფერად.
მე თუ გინდა თავიც მომჭრან, ტანი განდეს გასაბერად,
გინც არა ჰგავს კახაბერსა, მე ვერ ვიტყვი კახაბერად“.

ამისთანა აშმაგი ორისავე მეზობელ ერისათვის
მეტად მანებელია და ასეთი შეტაკება შეიძლება გახ-
დეს მომავალში აურაცხელის უბედურების მიზეზი
ორივე ერისათვის. რაკი ბრძოლა იმდენზედ მივიდა,
რომ ერთი ერის მეთაურებმა აღარ დაზოგეს არაფე-
თარი იარაღი, რომ მეორე ერს უფლება მოჰკლე-
ბოდა თვით-გამგეობაში, მე მაშინ ჩამოვეცალე ასეთს
უმართებულო განზრახვებს. მე ვიცოდი, რომ ერთ-
მანეთის საუკუნოდ გადამტერების მეტი სხვა არა
მოჰყვებოდა რა ასეთს საქციელს. მე წინააღმდეგი
ვიყავი, ვარ და მუდამ ვიქნები, სანამ პირში სული
მიდგია, იმ აზრისა, რომ ერთი მეზობლის ხალხის
გამოისრობით მეორე მეზობელს ხალხს შეუმცირდეს
მისი ეროვნული უფლება. ცხოვრების ბრძოლაში
რაკი რომელიმე მეზობელი თავის მეზობლის გასაქე-
ლავად მოიშველიებს გარეშე ძალას და იმითი ეც-
დება ფრთა შეაკვეცოს თავის მეზობლის თვით-არსე-
ბობას და მის უფლებას, მაშინ თვითონ იგიც აღარ
არის თვით-არსებობისა და პირადის უფლების ღირსი.
განა ცოტა ცოდვები მიუძღვის ქართველებს ამ შემ-
თხვევაში? განა ჩვენის მამა-პაპების დახმარებით არ
განადგურდნენ მთის ხალხები? განა გვერგო რამე,
შევიძინეთ რამე იპათი დაკარგეთ? მაშ ეს-ლა დაგერ-
ჩენია, ახლა სომხობასაც დავერიოთ და საბოლოოდ
გადავიმტეროთ!

წრევანდელ სომეხ-ქართველთა შორის უსია-
მოენებას სარჩულად დაედვა გვარ-ტომობითი გადა-
კიდება ერთმანეთში და ამ მძიმე პასუხის გებაში თა-
ნასწორად დამნაშავენი არიან, როგორც სომხობის
მეთაურნი, ისე ქართველებისა, რომელნიც უფრო
გულისთქმას აჰყვენ, ვიდრე გონიერს მოსაზრებას;
ახლა ყველასთვის ცხადია, რომ იმათ გაჰყვეს ამომრ-

ჩველნი გვარ-ტომობით ორ მოპირდაპირე ბანაკად
და ეს ჩემის აზრით ღიდი შეცდომა იყო, ამიტომაც
ვეწინააღმდეგე, რაც შემეძლო, ასეთს წინ-დაუხედავს
მოქმედებას. აღბად ეს, და მხოლოდ ეს, არის მი-
ზეზი, რომ დარბაისელმა ქართულმა გაზეთმა და მისმა
ამყოლებმა გამრიცხეს ქართველობისაგან.

ამას ვსწყინობ: ავნი ავსა თვით იქმენ და სხვას კი ძრახვენ,
ბაჰვით მორცხვიც გაურცხვდების, უსირცხვილს თუ არ არცხვენ.

გ. წერეთელი.

ახალი ამბები და შენიშვნები.

იმერეთის სამღვდლოების დეპუტატების კრების
დრო შეცდომით იყო მოყვანილი ჩვენი გამოცემის
წინა N-ში. კრება მოხდება ამა თვის 22, 23 და
24 რიცხვებში.

* * *

წელს ქუთაისის სასულიერო სასწავლებელში
სწავლა დაამთავრა 71 მოწაფემ. ამათში სასწავლებ-
ლის სამმართველოსაგან 27 მოწაფემდე იქნება გაგზავ-
ნილი თბილ. სასულ. სემინარიის პირველ კლასში.

* * *

სასულიერო სასწავლებლების წესდებით ოთხ-
კლასიან სასწავლებლის თითოეულს კლასში უნდა
იყოს 40 მოწაფე. თითოეულ მოსამზადებელ კლა-
სში სწავლობს ღღეს 50 მოწაფემდე. ამიტომ ეს აგერ
ორი-სამი წელიწადი იქნება, რაც ზედა მოსამზადებელ
კლასიდგან ყველა ღირსეული მოწაფის გადაყენა სას-
წავლებლის პირველ კლასში შეუძლებელი ხდება
უადგილობისა გამო. ამიტომ ურიგო არ იქნება,
რომ სამღვდლოების დეპუტატებმა თავიანთ მო-
მავალს კრებაზე ყურადღება მიამჯიციონ ამ სამწუხარო
მოვლენას.

სწავლა კეთილ-ზნობასა და სარ- წმყნობაზედ.

მამა დამით მარისჯელი.

I

ღირსი მამა ღვით ბარესჯელი იყო ასურელი. ის აღიზარდა წმ. იოანე ზედაძნელის მიერ და შეიძინა მისგან საღეთო სწავლა-მოდღერება, რომლისაგან ყოველ კაცს მიეცემა ზეციური სიკეთე, თუ კაცი საღეთო სწავლა-მოდღერებას დაიმარხავს სიწმიდით, ღირსებით და შეუცვლელად. წმ. იოანე ზედაძნელიც ასურელი იყო. მას ღვითს გარდა ყველა სხვაც ბევრი მოწაფენი, აღზრდილნი და განმტკიცებულნი, როგორც ღვითი, საღეთო სწავლა-მოდღერებაში. ასურეთში მყოფობის დროს წმ. იოანემ მიიღო ბრძანება ღვთისაგან, რომ ის წასულიყო საქართველოში თორმეტ მოწაფითურთ ქრისტიანობის გასავრცელებლად. წმ. იოანე დემორჩილა ღვთის ბრძანებას: თორმეტ მოწაფითურთ ასსურეთიდან ის წამოვიდა საქართველოში. ის მოხდა ორასი წლის შემდგომ წმ. მოციქულთა-სწორის ნინა ქართველთ განმანათლებელის დროიდან, როცა საქართველოს ეკლესიას განაგებდა მელაგიოზ კათოლიკოსი (პატრიარქი). როდესაც წმ. იოანე თავის მოწაფეებით მიუახლოვდა მცხეთას, რომელიც იმ დროს იყო საქართველოს სატახტო ქალიქი, მელაგიოზ კათოლიკოსს გამოეცხადა ჩვენებით ანგელოსი და უბრძანა მას: «აჰა, მოვალს იოანე, ყოველად განთქმული მონა უფლისა თავის მოწაფეებით, რომელმან განანათლოს ყოველი ეს ქვეყანა, როგორც პირველად ნინამ; აწ აღსდგე და მიეგებე მათ». მელაგიოზ დემორჩილა ღვთის ბრძანებას და მიეგება მათ. როდესაც ისინი შეხვდნენ, მელაგიოზ კათოლიკოსმა ღვთის განგებით იცნო ისინი, გადაეხვია წმ. იოანეს და მოიკითხა იგი: «კეთილად მოხვედ მამოა წმიდაო». წმ. იოანემ კათოლიკოსს თაყვანისცა და უთხრა: «წმიდაო მეუფეო! კურთხეულ არს ღმერთი, რომელმან ღირს-მყო თაყვანისცემად სიწმიდისა შენისა». მკრთვე იოანეს მოწაფეებმაც მიიღეს ლოცვა-კურთხევა კათო-

ლიკოსისაგან. მაშინ წმ. იოანემ მიიღო ღვთისაგან ნიჭი ქართულად ლაპარაკისა, იმ გვარად, როგორც სული წმიდის გადმოსვლის დროს მრისტეს მოციქულებმა მიიღეს სხვა-და-სხვა ენაზედ ლაპარაკის ნიჭი, (საქ. მოც. 2, 1—4). იქ მყოფნი და რომელთაც ესმა ეს უცხო სასწაული განკვირვებით და შიშით აღიღებდნენ ღმერთს საკვირველებათა მოქმედს. წმ. მამებმა მოვლეს საქართველოს ქალაქები და სოფლები, ქადაგეს სახარება და განამტკიცეს ქართველნი ქრისტიანობაში, მერე ამოიჩიეს საცხოვრებელად ზედაზენის მთა, იქ განმარტოვდნენ და განატარებდნენ დროს მოღვაწეობაში, ლოცვაში და მარხულობაში; მორწმუნე ქართველნი მიდიოდნენ მათთან, მიყავდნენ ურიცხვი სწეულნი, ეშმაკეულნი, ბრმანი, ყრუნი და ყველანი განიკურნებოდნენ წმ. მამების ლოცვით. რადგანაც ისინი იყვენ კეთილ-მორწმუნენი და წმიდანი, აპიტომ ქონდათ მათ ღვთისაგან მიცემული კურნებათა მადლი, თანახმად იესო მრისტეს ბრძანებისა (მარკ. 16, 17—18) და პავლე მოციქულის სიტყვებისა (1 კორ. 12, 9). მრი იოანეს მოწაფეთაგანი—ბიბოს და იესე კათოლიკოსის მიერ ხელდასმულ და დადგენილ იქმნენ ეპისკოპოსებად ნეკრესისა და წილენისა; სხვები წმ. იოანემ გაგზავნა საქადაგებლად მართლ-მანეთს; თვითონ კი იქვე განაგრძო მოღვაწეობა და გააშენა იქ მონასტერი ზედაძნისა.

II

მამა ღვითმა თავის სულიერ მოღვაწეობისთვის პირველად აღიჩინა თბილისის მახლობლად დასავლეთისაკენ მდებარე მთა, რომელსაც დღეს მთა-წმიდას ეძახიან და იქ ერთ პატარა გამოქვაბულ კლდეში დაემკვიდრა თავის განუყრელ და ერთგულ მოწაფით ლუკიანეთურთ. ის ადგილი მაშინ ქალაქს გარეშე იყო (მაშინდელი თბილისი მთაწმიდამდე არ იყო გაშენებული) და წარმოადგენდა მყუდრო და განმარტოებულ ადგილს, რის გამოც ამ ადგილმა მიიქცია ყურადღება მ. ღვითისა, მით უმეტეს, რომ ეს ადგილი იყო იგეთ ქალაქის მახლობლად, რომელშიაც ბევრი მცხოვრებთაგანი კრბთ-თაყვანისმცემელნი იყვენ: ბევრი მცხოვრებთაგანი ცეცხლსმცემდნენ თაყვანს და ღვითს, როგორც ქრისტიანობის განსაერცელებლად მოვლენილს საქართველოში.

შეძლო თავის ქადაგებით მათი მოქცევა. მ. ლავითი ლუკიანეთურთ ყოველ კვირა ღღეს ჩაღიოდა თბილისის და ქადაგებდა ძრისტეს სწავლას; თავის ქადაგებით და წმ. ცხოვრებით ბევრი ცეცხლის თაყვანისმცემელი მოაქცია და ძრისტეს სარწმუნოება მიადგინა. თფილისის მკვიდრი—ქართველი ქრისტიანნი დიდი პატივისცემით უყურებდნენ მ. ლავითს, მიანდათ იგი წმიდანად—ლავითსგან მოვლენილ ანგელოსათ და დიდი ყურადღებით ისმენდნენ მის ქადაგებას. მაგრამ მამა ლავითს მტერიც მალე გაუჩნდნენ: ქურუმნი (ცეცხლის თაყვანისმცემელთა მოძღვარი) სულ სხვა თვალთ უყურებდნენ მ. ლავითის ქადაგებას,—იმით შურდათ და ძლიერ სწყინდათ, რომ მამა ლავითმა ბევრი კრებთ-თაყვანისმცემელი მოაქცია და მათ შორის პატივი დაიმსახურა. მტრუმთ სურდათ, რომ როგორმე ლავითი თბილისიდან განდევნათ და ცეცხლის თაყვანისცემა რსევ განძლიერებიათ; თავის ბოროტ განზრახვის აღსასრულებლად ქურუმებმა მიმართეს ცილის წამებას და საქმე ასე მოაგვარეს: იქ, სადაც ახლა ქაშვეთის წმ. ბიორგის ეკლესია არის, იმ დროს იყო ღელათა მონასტერი, იმ მონასტერში ხან-და-ხან მ. ლავითიც შედიოდა. მართმა იქაურმა მონაზონთაგანმა დაარღვია აღთქმა ქალწულობისა, ჩაეარდა ცოდვაში და დაორსულდა. მშობიარობის დროს ის საშინლად დაიტანჯა და შეილი არ ეყოლა; ლავითის შტრებმა—ქურუმებმა, რომელნიც, სხვათა შორის, კიდევ მკითხაობდნენ, უთხრეს მშობიარეს, რომ ის, თუ ბავშვის მამად არ დასახელებს ლავითს, არ მორჩება და უსათუოდ მოკვდება. მან გაუგონა ქურუმებს და მამა ლავითს ცილი დასწამა: ბავშვის მამად აღიარა. ამის გამგონე მართალი ლავით, ცილის წამებით ძლიერ შეწუხებულ-გამწარებულნი, მთავრობის მიერ დაბარებული, მივიდა მშობიარის სახლში, შეაჩერა ზეკას და ლმერთს ლოცვილობდა, რომ ლმერთი შეწეოდა მას და ამ ცილის წამებისგან გამოეხსნა იგი. ცილის წამება მძიმე ცოდვა და ამიტომ ყოველი ქრისტიანი უნდა ერიდოს მას. (გამოს. 20, 16; გამოს. 22, 28; გამ. 23, 1; გამ. 34, 6; ლევიტ. 19, 16; ფსალ. 33, 13; ეკლ. 10, 20; ეფეს. 4, 31; კოლას. 3, 8; 1 პეტრ. 2, 1; 2 კორინ. 12, 20; ტიტ. 3, 2; იაკ. 4, 11; 1 პეტრ. 3, 10; ფსალ. 14, 1—3). მტრუმებმა და ყველა კრებთ-თაყვანისმცემლებმა შექმნეს ყვირილი და თხოულობდნენ ლავითის დასჯას. მორწმუნე ხალხი კი

განციფურდა და თვითონ არ იცოდა, რა ექმნა; მაშინ მ. ლავითი წარსდგა წინ და უთხრა ხალხს: «ძმანო და შეიღონო! თვით ლმერთმან იცის, რომ მე ამ საქმის არა ვიცი რა და, თუ მათი სიტყვა მართალია, თვით ლმერთმან გამოაჩინოს ეს საქმე». მერმე ლავითის თხოვნით ის ღელაკაცი დააყენეს ლავითის წინ, ლავითმა ხმამაღლა უთხრა მას: «ღელაკაცი! რა მრუშება ექმენ მე შენთანა? ღელაკაცი კი ურცხვად და უშიშრად ხმამაღლა აბრალებდა ლავითს თავის ფეხმძიმობას. მაშინ, მ. ლავითმა ილოცა ლმერთი: «შუალო ლმერთო ჩემო! ლმერთო მართალთაო და არა უსჯულოთაო, ვიცი, რომ შენ წინაშე არა რაჲ არს დაფარულ, გამოაჩინე ჭეშმარიტება საქმისა ამისა... თავის რკინის ჯოხი, რომლის თავზე პატარა ჯვარი იყო, შენაზ იმ ღელაკაცის მუცელს და ჯერ კიდევ დაუბადებელ, მუცელში მყოფ ყმაწვილს ჰკითხა: «მე ვარ მამა შენი?» მუცლითგან გამოისმა ხმა ყმაწვილისა: «არა, არა» და დასახელა ვილაც მქედელი თავის მამად. ამგვარად ლმერთმა ისმინა ლოცვა მის მართლისა და გამოაჩინა სიმაართლე მისი. «რასაცა ითხოვდეთ სარწმუნოებით, ბრძანებს შუალი, გეყოს თქვენ» (მათ. 21, 22; მარკ. 11, 24; იოან. 14, 13—14; იოან. 16, 23—24; იაკ. 1, 5—6; 1 იოან. 3, 22, 23). მკეთის სასწაულის გამო განციფურდნენ და გაშტერდნენ ყოველნი იქ მყოფნი, ხალხიც და ქურუმნიც და ხმა ეღარ ამოიღეს. მაშინ იმ ღელაკაცს უთხრა მ. ლავითმა: «შენ ქვას შობ». ხოლო შერცხენილ ქურუმებმა ლავითს ევრაფერი მოუხერხეს და ის ღელაკაცი კი ჩაქოლეს ქეითა. იმ ღელაკაცმა ჩაქოლვამდე მართლა შვა ქვა, თუ არა, არ ვიცი, მაგრამ იმ ადგილს აღშენებულ წმ. ბიორგის ეკლესიას კი დაერქვა სახელად და ღღესაც უწოდებენ ქვაშვეთის (ანუ შემოკლებით ქაშვეთის) წმ. ბიორგის ეკლესიად.

III

ამ გარემოების გამო მ. ლავითი ლუკიანეთურთ განშორდა პირველ თავის საღვამ ბინას, გავიდა მდინარე მტკვარში და ცოტა დროებით დაბინავდა ნათლულის მახლობლად მტკვრის პირას გამოქვაბულ კლდეში; ხოლო აქედგან წავიდი ლავითი ლუკიანეთურთ აღმოსავლეთისაკენ, გაცილდა შარაიაზის მიწდერებს და მივიდა ერთ კლდოვან ადგილს—უღაბნოში, რომელიც იყო განშორებული სოფელს და სოფლის

შფოთს, უწყლო, მზისგან გადაშწვარი და მოკლებული ყოველსავე, რაც კაცის საზრდოდ გამოსადეგია. მამა ლავითს ეს აღგილი მოეწონა საცხოვრებლად და უთხრა ლუკიანეს: «მამა ლუკიანე! ეხედავ, რომ ეს აღგილი კარგია და შფოთთან თვისსუფალი, დაედგეთ აქ მარტოებით, ვევედროთ ლმერთს, ვიმარხულოთ, მღვიძარე ვიყენეთ, დავითმინოთ ყოველივე ხორციელი ნაკლულევენება და გასაჭირი, ცოდვა მოვიწინაოთ და მოწყალემან ლმერთმან, იხილოს რა გულსმოადგენება ჩვენი მისსა მიმართ, მოგვეგოს ჩვენ ნაცულად კეთილი, მოგვეცეს ჩვენ საღეთო მადლი, ჩვენი უძლურების განმაქურნებელი, მოგვეცეს მოთმინება, — ამ სოფლის შეიწროება და გასაჭირი მალე წარმავალია, ერთი წუთისაა, ხოლო შევება და დიდება ღირსთა და მოღვაწეთა საუკუნოა». ლუკიანემ მიუგო: «ლმერთ შემოსილო მამაო! სიტყვა შენი ჭეშმარიტია და საღეთო წერილშიც სწერია, რომ ლმერთი მიაგებს ყოველ კაცს საქმეთა ებრ მათთა, რაც კი იმოქმედონ ამ წუთისოფელში კეთილი, ანუ ბოროტი, (რომაელ. 2, 6; 1 პეტრ. 1, 17; იოხ. 34, 24—25; იერ. 32, 17—19), მაგრამ ამ უდაბნოში დიდ იწროებას ეხედავ: ეს აღგილი მოკლებულია ყოველ საჭირო საზრდოს და თვით წყალსაც და ჩვენ კაცნი ვართ, მეშინის, რომ ვერ შევიძლოთ მოთმინა ამ უდაბნოს კირთა და იწროებათა». ამ სიტყვებზედ მ. ლავითმა მიუგო: «მამა ლუკიანე! ამისთვის ნუ ზრუნავ: ლმერთმან, რომელმან უდაბნოში ებრაელებს საზრდელად მანანა უწყვიმა (გამოს. 16, 4—35), კლდისაგან გამოადინა წყარო (გამოს. 17, 6; ნემ. 9, 15; ფსალ. 77, 15—16; ფსალ. 104, 41; ფსალ. 113, 8; ისაი 48, 21), კარმელის მთაზე ილია ყორნისა მიერ გამოზარდნა (3 მეფეთ. 17, 2—6), ჩვენცა გამოგვზარდნეს, საზრდელითა მით, რომელიცა ინებოს მოწყალეებითა მისითა, ვინაითგან ბრძანებულ არს ჩვენდა: ნუ ზრუნავთ ხვალისათვის (მათ. 6, 34), რამეთუ იგი თავადი აღადგებს ხელსა თვისსა და განადგებს ყოველსა ცხოველსა ნებისა ებრ თვისისა (ფსალ 13, 27—28); მან ჩვენც მოგვეცეს საზრდელი, ჩვენთა სხეულთა უძლურების განმაქარებელი. ახლა, მამა, გამხნევი და განძლიერდი, სხვებთან ჩვენც გამოგვზარდის ლმერთი». ამ სიტყვებით განმხნევებულმა ლუკიანემ უთხრა ლავითს: „პატიოსანო მამაო! როგორც ბრძანე, ვგრე ვყოთ, ხოლო ლმერთმან, რომლის იმედი გვაქვს, იზრუნოს ჩვენი ცხოვრები-

სათვის». ამგვარად იმათ გადაწყვიტეს იმ უდაბნოში მოღვაწეობა, დაიარეს უდაბნო, პოვეს პატარა გამოქვაბული კლდე და იქ შეიფარეს თავი სიცხისა და წვიმისაგან. იქ დაბინავდნ და ატარებდნ დროს ლოცვაში და მარხულობაში და საზრდოობდნ სხვადასხვა ბალახებით და მათი ძირებით.

IV

ამ უდაბნოში სიცხისაგან ბალახი მალე გადახმა და ლუკიანემ მწუხარებით შეჩივლა ლავითს: «აწ წმიდაო მამაო! რალა იყოს ნუგეშისმცემელი ჩვენი და რით ვისაზრდოთ თავი; ბალახნი განხმნ და ჩვენთვის უხმარ იქმნენ». ლავითმა, იხილა რა ეგრე მწუხარებით მოლაპარაკე ლუკიანე, უთხრა მას: „მამა ლუკიანე! რალ დაგიდევს იმედი ბალახზედ და ქვეყნიურ მცენარეზედ? თუ არ იცი, რომ ყოველივე ქვეყნიური ნივთი ცვალებადია და წარმავალი, ყოველივე თავის დროზე აღორძინდება ჭ მყოფობს და თავის დროზე განიხრწნება, როგორც დაუდგრომელი და წარმავალი და მხოლოდ სული უკვდავად ქმნილი ლეთისა მიერ სამარადისოდ დაადგრების მიღებად ნაცვალგებათა; თუ არ ვაგიგონიათ საღმრთო წერილის სიტყვები: მოთმინებითა თქვენითა მოიპოვეთ სულნი თქვენნი (ლუკ. 21, 19), რისთვის იქმნ ეგრე ძლიერ სულმოკლე? ნუ თუ არ იცი, რომ ძრისტეს მცნებისთვის უკეთუ მოგვედეთ შიმშილით, ანუ წყურვილით, ხორციელი სიკვდილის მაგიერ მივიღოთ საუკუნო სულიერი ცხოვრება; რას სწუხხარ ბალახთა და მცენარეთათვის, ესენი პირუტყვთა საზრდოთ არს მოცემული, ჩვენ კი ვართ სიტყვიერი და კაცთათვის შემსგავსებულთა საზრდელითა გვზარდნეს მზრდელმან ყოველთამან (მეორე სჯულ. 10, 18).

ამ სიტყვების გათავებისათნავე ლეთის განგებით მოვიდა მათთან სამი ირემი თავიანთ ნუკრებიანათ და გაჩერდნ, როგორც ცხვარნი, ლავითმა უთხრა ლუკიანეს: «მოილე, მამა, პინაკი (ჯამი) და მაწველე ეს ირემები, ლეთისგან მოვლინებულნი ჩვენდა გამოსაზრდელად. ამ უცხო სანახავით გაკვირვებული ლუკიანე აღვა, მოწველა ირემები და დაღვა პინაკი რძით, ლავითმა გადასახა ჯვარი და რძე შედგდა ახალ ყველად; აიღეს ეს

უველი, სჭამეს საკმაოდ და მერმე წამოსთქვებს: «სჭამონ დაერდომილთა და განძღენ და აქებდენ შუალსა, მომცემელსა ყოველთა კეთილთასა და ნუგეშინისმცემელსა ყოველთა მოშიშთა და მადიდებელთა მისთასა». ამის შემდგომ ლუკიანემ უთხრა ღვთის: «პატიოსანო მამაო! ჩემმართველ საკვირველ არს ლმერთი და კურთხეულ არს სახელი წმიდა მისი, რომელმან შენი ლოცვით მტკიცე და შეურყეველ ჰყო გული ჩემი და თვით სული და გონება ჩემი ბნელისაგან გამოიყვანა ნათლად, შიმშილისაგან რომ განილიოს ხორცი ჩემი და წყურვილით მოაკლდეს სული ჩემი, აღარ ეზრუნვიდე ამა მოკვდავთა და დაუღვრომელთა ხორცთათვის და არცა ეღრტინვიდე მე საზრდელთათვის, როგორც ურჩი და ურწმუნო ისრაელი (გამოს. 16, 2—3), არამედ სრულიად დაგემორჩილო და მოხარული ვიმედლოვნებ სულით, რომ შენი მაღლით მივემთხვიო ზეციერ სასუფეველს». წმ. ღვთისი ამ სიტყვებზე გამხიარულდა და უთხრა ლუკიანეს: «ძეთილი, ძმაო ლუკიანე, კურთხეულ არს ლმერთი, რომელმან განამტკიცა გული შენი და განანათლა სული და გონება შენი მის მიერითა ნათლითა». იმათ განაგრძეს მოღვაწეობა თავის ბინაზე—გამოქვაბულ კლდეში, მუდამ ალაღენდენ ლოცვას ღვთის წინაშე და იყვენ მღვიძარედ; ირმები კი ყოველ დღე მოდიოდნენ მათთან გამოსაზრდელად მათდა, გარდა ოთხშაბათ-პარასკევისა, როცა ეს მოღვაწენი არაფერს არ სჭამდენ.

V

იმათ ბინას ქვემოთ იყო გამოქვაბული კლდე, რომელშიაც დამკვიდრებულ იყო ევშაპი დიდი და საზარელი; მას ჰქონდა დიდი ალგზნებული თვალები, დიდრონი რქები და ჯაგრის მსგავსი ბალანი. ჩვეულებისაებრ ერთ დღეს ღვთისთან მოდიო-

დენ ირმები თავიანთ ნუკრებით. იმათ ამოველოთ იქ, სადაც ევშაპი ბუდობდა და ევშაპს მათთვის ერთი ნუკრი მოეტაცნა. ირმებმა მოირბინეს ლუკიანესთან აღშფოთებულებმა და შეშინებულებმა. ლუკიანემ ეს გარემოება მიახსენა ღვთის და დაუმატა, რომ ერთი ნუკრი აკლიათო. ღვთისმა აიღო თავისი ჯოჯი, რომელზედაც იყო ჯვარი, წავიდა იქითკენ, საიდანაც ირმები ამოვიდნენ და იქითაქეთ იხედებოდა, უნდოდა გაეგო: ვინ შეაშფოთა ირმები და მოსტაცა მათ ნუკრი; ამ დროს დაინახა მან საზარელი ევშაპი, თუმცა გაუყვირდა მისი სიდიდე, მაგრამ არაფრად ჩააგდო: ღვთის იმედი ჰქონდა და სწამდა, რომ დაიმორჩილებდა მას (მრკ. 16, 18; ფსალ. 90, 13). ამიტომ მრისხანედ დაუჩახა მას: «ბოროტო თავო! რად აენე ჩემ ირმებს და შეგვამე ნუკრი მათი, გამოდი მაქედგან და წადი უდაბურს ადგილს; ეს უდაბნო კი უნდა იქმნეს ქალაქად მოღვაწეთა ღვთისათა, და უკეთუ არ გამოხვიდე, ამ ჯოჯზე გაკეთებულ ძრისტეს ჯვართ გავაბო მუცელი შენი და მიგცე შენ საზრდოდ მატლთა». ევშაპი შეიპყრო შიშმა, დემორჩილა ღვთის, გამოვიდა და წავიდა იქიდან, მაგრამ ღვთის განგებით გზაზე ევშაპს დაცა მებხი და მისგან დაკეცებულ ცეცხლმან დასწვა იგი, მსგავსად იმისა, როგორც ძველ აღთქმაში დაცა შულისაგან მოვლენილ ცეცხლმან ღვთის წინააღმდეგნი ისრაელნი (რიცხ. 11, 1—3; რიცხ. 16, 35).

(დასასრული შემდეგში).

შინაარსი: თ. გიორგი ერისთავი და მისი ძე ზაქარია. —სოფ. რუფოთის ეკლესიის კურთხევა. —ჩიკაგოში გამართული კოლეჯის მსოფლიო გამოფენა. —ფუფუნება. —ფხაზეთის რუქა. —არ არის რიგი, ლობე-უორეს ამოვარებული კაცი ტალახს ისრვიდეს. —მცირე შენიშვნა. —ახალი ამბები და შენიშვნები. —ლირო მამა დავით გარესჯელი.